

**Bosna i Hercegovina**  
**Federacija Bosne i Hercegovine**  
**Federalno ministarstvo kulture i sporta**

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj: 35/05), a u skladu s Odlukom o usvajanju programa utroška sredstava s kriterijima raspodjele sredstava "Kapitalni transferi drugim razinama vlasti i fondovima - izgradnja, adaptacija i rekonstrukcija sportske infrastrukture" utvrđenih Budžetom Federacije Bosne i Hercegovine za 2024. godinu Federalnom ministarstvu kulture i športa - Federalnom ministarstvu kulture i sporta („Službene novine Federacije BiH“, broj: 61/24), federalna ministrica kulture i sporta objavljuje

**JAVNI POZIV**

**za podnošenje prijava za sufinansiranje izgradnje, adaptacije i rekonstrukcije sportske infrastrukture od značaja za kanton, grad i jedinice lokalne samouprave u Federaciji Bosne i Hercegovine**

**I. Predmet javnog poziva**

Predmet ovog Javnog poziva je prikupljanje projekata za raspodjelu sredstava „Kapitalni transferi drugim razinama vlasti i fondovima – izgradnja, adaptacija i rekonstrukcija sportske infrastrukture“ utvrđenih na razdjelu 52 glava ekonomski kod 615100 Budžeta Federacije Bosne i Hercegovine za 2024. godinu - Federalnom ministarstvu kulture i sporta u ukupnom iznosu od 18.000.000,00 KM za izgradnju, adaptaciju i rekonstrukciju sportske infrastrukture.

Korisnici sredstava, kantoni, općine i gradovi se mogu prijaviti za izgradnju, adaptaciju i rekonstrukciju sportske infrastrukture iz sljedećih oblasti:

- a) objekti sportskog karaktera (sportske dvorane, fudbalsko igralište, bazeni itd.);
- b) komunalna infrastruktura sportskih objekata (vodovod i kanalizacija, energetske i komunikacijske mreže, plinske i niskonaponske mreže itd.);
- c) ostali sportski objekti od značaja za kanton i jedinice lokalne samouprave (otvoreni sportski objekti, atletske staze, teniski tereni i druga sportska borilišta).

**II. Opći ciljevi Javnog poziva**

Opći cilj ovog Javnog poziva je sufinansiranje projekata od značaja za kanton, grad i jedinice lokalne samouprave u Federaciji Bosne i Hercegovine na način da se doprinese poboljšanju kvalitete života kroz ulaganja u izgradnju, adaptaciju i rekonstrukciju sportskih objekata i povećanju broja raspoloživih i uređenih sportskih objekata, čime će se ispuniti jedan od osnovnih preduslova za razvoj sporta u Federaciji Bosne i Hercegovine.

**III. Pravo učestvovanja**

Prijavu na Javni poziv mogu podnijeti kantoni, gradovi i jedinice lokalne samouprave, osim onih jedinica lokalne samouprave koji do trenutka zatvaranja javnog poziva nisu izvršili povrat neiskorištenih/nenamjenski utrošenih sredstava dodijeljenih temeljem Javnog poziva iz 2023. godine, a na osnovu zahtjeva Federalnog ministarstva kulture i sporta kojim je upućen zahtjev **za povrat sredstava na** JRT Budžeta FBiH.

***Prednost će imati projekti s visokim stepenom tehničke pripremljenosti projekta*** i koji su prioritetni za implementaciju u kantonima, gradovima i jedinicama lokalne samouprave te izravno doprinose kvalitetnijem životu zajednice. Prijava projekata za mobilne građevine koje se postavljaju privremeno, kratkoročno i potom uklanjaju nije moguća.

### **Finansijska sredstva**

Minimalan iznos finansiranja u okviru ovog Javnog poziva iznosi 100.000,00 KM, a maksimalna vrijednost sufinansiranja iznosi 3.000.000,00 KM.

### **Broj prijavljenih zahtjeva**

Aplikanti mogu dostaviti više od jednog projektnog prijedloga. Projektni prijedlozi podnose se zasebno.

### **Kriteriji za raspodjelu sredstava dijele se na opće i posebne:**

#### **Opći kriteriji - mjerljivost:**

1. čitko popunjena, potpisana i ovjerena prijava na javni poziv na obrascu koji je dostupan na mrežnoj stranici Federalnog ministarstva kulture i sporta;
2. jasno i realno opisan cilj navedenog projekta;
3. razrađen budžet za navedeni projekt; (isključivo za aktivnosti koje su navedene u projektu);
4. ovjerena izjava da će projekt biti realiziran u roku predviđenom ugovorom s Federalnim ministarstvom kulture i sporta.

#### **Uvjeti iz općih kriterija su eliminatorni.**

#### **Posebni kriteriji za raspodjelu sredstava programa kapitalnih transfera – mjerljivost:**

1. izjava o sufinansiranju s dokazima – ako je riječ o sufinansiranju;
2. potvrda/preporuka o prethodnoj/prethodnim fazama realizacije projekta od finansijera/sufinansijera;
3. projektno tehnička dokumentacija – glavni projekt ili izvedbeni prijedlog projekta ili idejni prijedlog projekta;
4. zrelost projekta – osigurani uvjeti za realizaciju projektnih aktivnosti, građevinska ili urbanistička dozvola;
5. jasan, realan i izvediv vremenski plan radova u skladu sa stanjem objekta;
6. izjava ovlaštene osobe o utjecaju projektnog prijedloga na razvoj lokalne zajednice;
7. ugovor s izvođačem radova ili ponuda izvođača radova;
8. namjena sportskog objekta, terena, igrališta, bazena;
9. fotodokumentacija objekta za koji se aplicira;
10. doprinos projekta kvaliteti života u lokalnoj zajednici i Federaciji Bosne i Hercegovine.

#### **Način odabira projekata**

Odabir projektnih prijedloga, potencijalnih korisnika na osnovu ovog Javnog konkursa provest će Interresorna Komisija koju imenuje federalna ministrica kulture i sporta.

Komisija će razmotriti prijave u skladu s Pravilnikom te odredbama ovog Javnog natječaja utvrditi formalno-pravnu ispravnost projektnih aplikacija i izvršiti bodovanje te na osnovu toga sačiniti

bodovnu rang listu korisnika koji su ispunili uslove javnog konkursa te će istu sa zapisnikom dostaviti federalnoj ministrici kulture i sporta.

Federalna ministrica kulture i sporta će proslijediti bodovnu listu korisnika koji su ispunili uslove javnog konkursa Vladi Federacije Bosne i Hercegovine.

### **Objavljivanje rang liste korisnika**

Konačnu rang listu po ovom Javnom pozivu utvrđuje Vlada Federacije Bosne i Hercegovine posebnom Odlukom koja će biti objavljena u Službenim novinama Federacije Bosne i Hercegovine.

### **Dokumentacija potrebna za prijavu na Javni poziv treba sadržavati:**

1. Prijavni obrazac (mora biti na jednom do službenih jezika u Federaciji BiH i elektronski popunjen; a na kraju obrasca obavezno navesti datum i potpis odgovorne osobe te isti ovjeriti pečatom).
2. Jasno i realno opisan cilj navedenog projekta, potpisan i ovjeren od strane podnosioca projekta.
3. Razrađen budžet za navedeni projekt, potpisan i ovjeren od podnosioca projekta.
4. Ovjerena izjava odgovorne osobe da će projekt biti realizovan u roku predviđenom ugovorom s Federalnim ministarstvom kulture i sporta (Izjava ovjerena u općini ili notarskom uredu).
5. Izjava o sufinansiranju s dokazima – ako je riječ o sufinansiranju (Izjava ovjerena u općini ili notarskom uredu).
6. Potvrda/preporuka o prethodnoj/prethodnim fazama realizacije projekta od strane finansijera/sufinansijera (original ili ovjerena kopija u općini ili notarskom uredu).
7. Projektno tehnička dokumentacija – glavni projekt ili izvedbeni prijedlog projekta ili idejni prijedlog projekta (original ili ovjerena kopija u općini ili notarskom uredu).
8. Zrelost projekta – osigurani uslovi za provedbu projektnih aktivnosti, građevinska ili urbanistička dozvola (original ili ovjerena kopija u općini ili notarskom uredu).
9. Jasan, realan i izvediv vremenski plan radova u skladu sa stanjem objekta, ovjeren i potpisan od strane podnosioca projekta.
10. Izjava ovlaštene osobe o utjecaju projektnog prijedloga na razvoj lokalne zajednice ovjeren i potpisan od strane podnosioca projekta.
11. Ugovor s izvođačem radova ili ponuda izvođača radova (original ili ovjerena preslika u općini ili notarskom uredu).
12. Namjena sportskog objekta, terena, igrališta, bazena (Izjava ovlaštene osobe o namjeni sportskog objekta, broju gledatelja i korisnika objekta, broju sportista koji će koristiti objekt, ako je predviđen za međunarodna takmičenja potrebno je navesti zadovoljava li objekt međunarodne standarde ili normative za održavanje takmičenja koje propisuju: FIFA; FIBA; UEFA; FIVB; IHF, ili drugi međunarodni savezi, te drugim podacima o značaju projektnog prijedloga za razvoj sporta u općini, gradu ili kantonu, ovjerena u općini ili notarskom uredu)
13. Fotodokumentacija objekta za koji se aplicira.
14. Doprinos projekta kvaliteti života u lokalnoj zajednici i Federaciji Bosne i Hercegovine (Izjava odgovorne osobe, o značaju i doprinosu projekta poboljšanju kvalitete života u lokalnim zajednicama ulaganjem u izgradnju, adaptaciju i rekonstrukciju sportskih objekata te pokazateljima o ispunjenosti preduslova za razvoj sporta u Federaciji BiH kroz ulaganje u projekt aplikanta, ovjerena u općini ili notarskom uredu).

## **Način podnošenja prijave**

**Dokumentacija mora biti ISKLJUČIVO spiralno uvezana (osim glavnog projekta koji se dostavlja uz projektni prijedlog).**

Prijave s odgovarajućom dokumentacijom šalju se isključivo poštom na adresu:

**FEDERALNO MINISTARSTVO KULTURE I ŠPORTA-FEDERALNO MINISTARSTVO  
KULTURE I SPORTA  
UI. Obala Maka Dizdara br. 2. 71 000 Sarajevo**

s obaveznom napomenom:

„Za Javni poziv „Kapitalni transferi drugim razinama vlasti i fondovima – izgradnja, adaptacija i rekonstrukcija sportske infrastrukture“ – NE OTVARATI

Na poleđini koverta (ovjerene pečatom podnosioca prijave) obavezno navesti:

- naziv podnosioca prijave
- adresu i kontakt telefon

Krajnji rok za dostavljanje Prijava za dodjelu sredstava je 2. 9. 2024. godine, što se potvrđuje datumom na poštanskom pečatu.

Prijave će biti odbijene i neće se dalje razmatrati ako:

- su neblagovremene,
- nisu potpisane od ovlaštene osobe i nisu ovjerene pečatom,
- nemaju sve sadržajne elemente,
- ne ispunjavaju uslove ovog Javnog poziva.

MINISTRICA

Sanja Vlasisavljević